

雲山集卷之五

五五

雲山集卷之五

兄五

知常真人姬志真撰

瑤臺第一層

一點元真被妄想招來幻化身  
蟪蛄朝菌須  
史情識結習迷雲火坑千文機  
詐萬端白浪  
黃塵謾橫陳向汙泥坑陷苦海  
沉淪紛紛  
存亡得失是非榮辱苦因循  
有時開悟癡團  
粉碎眼孔如輪性珠穿透方信  
葆光函蓋乾  
坤自通神有壺天不夜洞府長  
春

木欄花慢

眩鳥飛兔走競出沒疾如梭更影戲浮生繩  
提幻化攬弄教唆吹噓往來變態鬧紛紛平  
地起風波止是蠅頭蝸角古今翻攪如魔  
蹉跎勘破驚回塵夢冷笑呵呵悟本有元初  
靈明好在無少無多收藏更休點汙對野雲

兄五

溪水唱山歌月下無人獨步杖挑雨笠煙蓑

其二

笑平生幻惑遇牢落物華秋對世路羊腸人  
心蠶尾剛變為柔紛紜戰酣白蟻向槐檀影  
裏覓封侯一覺黃糧未熟百年光景都休

推求往古來今成底事盡何樓勘富貴浮雲  
功名畫餅身世浮漚分明眼底見假便一刀  
兩段不隨流躍出迷津欲浪月明滄海歸舟

其三

選峯巒佳處結茅屋伴蒼松有藥圃芝田耕  
雲釣月香藹靈風凭欄俯觀寰海鼓洪濤千  
丈接長空幾度蓬萊清淺杳冥淆混魚龍  
三山聖種猶存龔暫輩覓無縱笑阿母蟠桃  
安期遺棗誘引兒童任公巨緇好在瞎釣懸  
五十引長虹蹲坐三年不見若魚何日相逢

水龍吟

萬塵諸累重重一時頽脫如懸解青鞋拄杖  
鷓衣百衲沁身輕快南北東西浪萍風梗去  
留何礙許昂簪笑傲行歌立舞縈心事無纖  
芥不問壺天境界更誰分區中方外如雲  
似水優游散誕縱橫自在轉首襟期世緣空  
幻到頭終壞待他時興盡雲霞堆裏結無為  
會

兄五

二

其二

此身幸脫塵樊累宜更選清涼地山靈招我

峯屏岫幌回環凝翠白石清泉竹軒松逕草  
堂林際揀憑高穩處儲風養月更誰問人間  
世 壓盡壺天景致笑桃源落花流水箇中  
時復靈仙高會彩雲搖曳談笑滄溟幾番塵  
土劫灰彈指倒金壺碧酒鯨波一吸且陶陶

醉

其三

古今興廢存亡落花滿地香風掃茫茫苦海  
洪波千丈無窮膠擾俱在天真浪遊塵境執  
迷顛倒自玄都別後流離宛轉誰更問長安

道 但念功名未了聚愁眉苦縈懷抱幾時  
會得三田靈秀活人芝草霞彩雲英竹風松  
月藥鑪丹竈煉深根固蒂長生久視永無衰  
老

醉江月

兄五

三

初機學道道無形著脚如何蹤跡只在靈源  
方寸地體正元初端的激濁揚清明真削偽  
掃蕩諸邪僻迷雲消散密通方外虛實主  
人堂上無爲環樞應運不許纖塵及徑入無  
何真境界明秀高峯玉立瑞氣沖融祥光赫

奕忘盡塵樊質道遙遊宴壽同高厚無極

其二

夢中駭鹿戲浮生得失悲歡離合見解分明  
猶是夢轉轉昏沉難覺雞口人情羊腸世路  
各自爭頭角揮鞭舉棹一般熾嶮行脚有

日猛省心灰塵樊識破方信從前錯林下山  
間安穩地雲水無情相約自在時光道遙日  
月脫盡拘束縛槐南枝上冷看黃蟻行樂

其三

功名富貴似無繩縛盡英雄豪傑古往今來



同影戲頃刻存亡興滅羅綺妻孥畫堂金玉  
招感人窺竊繁華粧點大都多少時節自  
造惡業重重頭皮改換苦楚經多劫爭似抽  
身聞早省時把狂心休歇世網衝開玄關撥  
轉自得真仙訣功成歸去一輪江上明月

喜遷鶯

欲明真趣便掃蕩多方亡羊岐路脫落皮毛  
惟存真實絕盡向時行步一朵玉蓮開展不  
受纖塵點汗收絳雪飲玄霜依舊神丹圓聚  
自得無疑慮獨向翠微手植無根樹顯氣

橫空靈源浴月光彩一時揮布萬斛寶珠莫  
比擁護收藏堅固神莫測鬼難呼功滿驟鸞  
歸去

水調歌頭

端坐懶成癖雲水興何加襟懷洗盡塵物別

兄五

四

有好生涯選甚瀛洲仙闕鬧市花街柳陌觸  
處是光華切莫問龍虎白雪與黃芽不耽  
詩不帶酒不拈花從來本面公事何必向人  
誇晝覽故山風物夜被玄天星斗百衲掩雲  
霞神鬼莫能測頃刻遍河沙

其二

徹底探囊篋那得一錢看從來底事活計不  
與俗相干似得飲中賢聖滌盡澆心醕酹冷  
眼視塵寰斬斷利名鎖踏破死生關 做些  
癡撒些懶放些頑六門拖拽不出蟄窟且躡  
跼別有非常手段拈聚虛空一片澄澈夜光  
寒會得箇中意何必問三山

其三

興廢閱青史榮辱夢黃糧空華電影蹤跡謾  
弄恰如狂分外爲蛇添足不省狙公賦芋憂

喜兩相忘回首舊鄉國風物盡荒涼  
百年  
身彈指頃鬢成霜人間更莫理會安穩處承  
當靜夜月明風細相對雲朋霞友談笑興何  
長一椀洗心若一瓣劫前香

其四

兄五

五

漂泊異鄉客踏碎軟紅塵歸來處處庭戶簾  
幙捲黃昏南北東西行色費盡芒鞋多少何  
處覓天根光曜問何有亘古竇然存  
何遊太漠越崑崙風仙底箇消息未許等閑  
聞亂眼空華零落桂魄團圓如舊穿透水無

痕尚賴扶搖伯高捲嶺頭雲

憶法眷伯瑜老

相遇會心友日擊契金蘭登天遊霧莫逆雞  
黍不相干常記崑崙亭下俯瞰茫茫滄海揮  
塵笑談間霞捲鎮陽北雲隱鶴山顏 歲華

遷人事革忽盟寒芒鞋藜杖猶在唯憶扣玄  
關但願心圓如月表裏虛凝澄澈密密運樞  
環一點迥無別千里共同看

滿江紅慢

勉劉主簿

眩目空花紛紛盡如繩絨縛軟紅塵堆裏汨

沒認爲真樂二陸來時忘後患兩踈見處誰  
先著正夢魂隨蟻到槐安何時覺興廢事  
曾著莫繁華盛還銷落更不須人勸自宜斟  
酌古鏡磨開塵外境隋珠枉彈簷頭雀待悟  
時回首進前程蓬萊約

其二

霞友相從雲房會笑談真息正鬱蒸天氣輕  
汗靜中難敵冰玉旋敲新薦几玄冥坐使寒  
生席命月團時復泛金甌鯨波吸除煩熱  
澆胃臆功殊勝神通力笑玉川風味趙州陳

迹法界澄澄清可掬靈空浩浩光無極問箇  
中真味口難言知端的

其三

萬論千經俱涉獵欲求真覺驗古今行迹移  
在口頭渾錯不向心中團練就多生浩劫空

九五

六

牢落會本真神口未能言何方學無一物  
一物空索索常清淨通窠廓下功夫涵養不  
須揮霍白雪陽春誰與和村歌社酒爭跳躍  
看牛毛如許幾人知同麟角

百卷下其四

因軍新對火香何能盡壯重

百煉千磨成底事襟懷冰雪向積塵堆裏灑  
落要明心月根本泉源窮到底波瀾枝葉休  
分別遍世間誰不是行人何須說丹宜秘  
囊宜結居無室行無轍更莫思人我是非優  
劣鸚鵡雕籠因解語杜鵑枝上空流血對利  
名車馬軟紅塵牢藏舌

其五

一片頑心何樓子無窮生滅被化機般弄馳  
騁許多顛履販骨如山成底事迷情似海難  
超越痛亘初靈物久沉埋塵沙劫求出離



須猛烈尋知友談冰雪下功夫磨拭壽光明  
徹風定波清潭底現雲開冷浸天心月月問啞  
人食蜜味如何無言說

其六

牢落多生無盡限紅塵蒙幕縱苦求懸解微

兄五

七

處不堪形詰猿子摩挲潭底月癡兒咀嚼刀  
鋒蜜更可憐法網自纏綿何時出 燕石寶  
銅盤日渾淪棗浮萍實這一團打破自通消  
息截斷葛藤閑惹絆破除谷董狂蹤跡向本  
來一點便承當真端的

滿庭芳

全真

全本無虧真元不妄從來何少何多靈源亘  
古天地與同科柰染諸緣萬境生情識招致  
羣魔難超越虛生浪死苦海任奔波 聰明

求出離回機一念決證無何勘元初本有些  
子散訛應現頭頭總是分明在依舊山河高  
懸鑒又還打破拍手笑呵呵

李老先生慶八十

南極儲祥少微呈瑞八旬應現人寰水雲踈

散金鼎煉神丹翫盡長春洞府逍遙占物外  
高閑無衰老龜旋鶴遠相對且怡顏 慇懃  
重禱祝溫鑪澹炷劫外旃檀念亘初容貌不  
許凋殘通古今如旦暮蟠桃見幾度華繁常  
常在金壺碧酒高會列仙班

李社長壽

桃蘊蒸紅杏開微白仲春風物宜人莫踈九  
葉隴右降天真應瑞葱葱佳氣寶猊炷劫外  
濃薰鳴金玉琅琅聲裏高會洞中賓 良辰  
當勸勉仙風道骨早早離塵悟人間虛幻著

莫因循看取蟠桃結子靈芝秀不羨莊椿常  
如此洞天深處獨步翫長春

玉蝴蝶

擾擾夢中身世白駒過隙多少時光使盡機  
關方寸不暫清涼蓄奸邪更移鹿馬執迷網

凡五

顛倒玄黃最堪傷死生汨沒苦海茫茫難  
忘恩繩愛索火坑塵網利鎖名韉一向貪饕  
不知青鬢染秋霜覆焦隍空爭駭鹿多歧路  
謾逐亡羊自徊徨白雲深處一炷心香

村居

垆外地偏塵遠結茅小隱事事俱休脫粟黃  
藿安分足可優游月徘徊昂簪緩步風冷淡  
懸涕情收且淹留野雲歸岫煙水橫秋唯  
收隨身數物靜中悅手細櫛梳頭鉢置囊閑  
杖藜百衲外無求唱哩囉招來牧豎相介汝  
取次沙鷗更何憂奏刀無礙不見金牛

金童捧露盤

夢幻闍浮捨故趨新倏忽化機潛換天地一  
丘墟會心冥沖漠野雲舒卷寄迹虛舟鑒形  
止水風激游絲斷空玉宇無塵清澈混物我

寬親相忘鵬鷖鎮擗散此際穀食鷄居逍遙  
遊宴聞乎無聲視無色罷金鏗去膜作空  
花觀窻戶有餘清泯人牛蹤跡素華明煥勝  
槩幽遐洞靈縹緲直許羣真翫步坦途搖頭  
拊臂到醉鄉勝入高陽池館世情遠浮生瞬  
息歸來晚

九五

九

同前

高會雲朋談笑人間幾度海濤清淺天地一  
吹噓動閻浮出沒化機如電覆手存亡轉頭  
聚散物物虛零亂謾戲弄蝸蠻槐蟻向魂夢

悠悠雄圖堅遠無盡藏山舟密運丘陵移換  
團空人世竟無識祗形囚浩劫浪傳餘喘  
種性却回邪向銅盤聲裏太陽難辨試運金  
鏹撥開朦膜眸子尋常見待細察蟭螟若山  
貫法界靈空慈雲彌滿了真觀方知下手須

史晚

玉女搖仙珮

先天有物未始難名彷彿氤氲元氣太極形  
生雞黃乍判散作萬殊千異總被形囚累恣  
營營念慮多方百計競聲利揚波鼓浪唯是

無窮四事而已空膠擾人間販骨番騰終成  
何濟誰信火傳棄舊物禪迎新弄我真同  
兒戲勘破搖頭伸眉一笑照徹多生凝滯妄  
構閑非是總休論枉玷林泉風味秋靜夜雲  
收空界纖塵不動月明如水人長在碧桃影

裏醺醺醉

東風第一枝

遠樊籠虛舟不繫披覽閑中真趣未嘗羨珂  
里榮名未嘗羨金閨矩步乾坤俯仰開局牖  
晃朗庭衢會襟期徑入無何脫巾奮然箕踞



也不慕龍蟠鳳舉也不問文林武庫欲事  
為無事無為欲思慮何思何慮備然平澹涉  
人世居居于于向故園管領光風歸來似嫌  
遲暮

詠茶

兄五

十

圻封緘龍團闢破栢樹機關先見玉童製香  
霧輕飛銀餅引靈泉新薦成風手段蚪髯奮  
擊碎鯨波仗此君些子功夫瓊花細浮甌面  
這一則全提公案宜受用不煩寵勸滌塵  
襟靜盡無餘開心月清涼一片羣魔電掃瑩

中外獨露元真會玉川携手蓬瀛留連水晶  
宮殿

江神子慢

詠香

玉童報朝徹仙夢斷華胥太平國素屏側金  
鑪煖灰襯雲心虛白御封坼一瓣纔拈清馥  
馥氤氳滿靈空無間隔遍飄三境融融通高  
厚貫金石神州初凝玉金記不萌枝上微  
露春色幾人識塵凡阻豈許垂瓜明得氣綿  
密洞府高真俱默會遊蜂蝶紛紛無處覓香

然曳縷虛凝入寥天一

同前

蓮塘雨初歇波面倚瓊花照澄澈命童折銀  
餅浸姑射仙姿凝潔默時說大地寥天俱捨  
聚無巨細收來藏貝葉放開微蕊真光塵沙

兄五

十一

界盡朝徹 一枝冥傳亘古向無聲色裏出  
廣長舌莫分別纖毫受入眼還同金屑拂陳  
迹物物般般無盡藏閑桃李真容俱漏泄再  
拈誰肯承當付花稍月

齊天樂

自爲形所累寒餓交侵贅疣何異試究虛玄  
從初本有一點圓明無際塵緣漠漠似千里  
晴空幻生雲翳仗此靈風一時吹掃莫留滯  
來之脩然往焉適耳從伊粧點鼠肝蟲臂  
變化洪鑪存亡皆可除外甚麼堪畏逢魔遇  
阻駕神馬尻輪去留誰計穩坐忘懷始終憑  
此志

春從天上來

鼎鼎鼎鼎塵埃嘆自古悠悠不省沉埋利名場上  
人我叢中單認這箇形骸念本來一點誰無

分都是仙材謾疑猜喚千聲酩酊不肯頭回  
何日夢中驚覺此官識破從前白蟻庭槐洞  
天深處霞友雲朋以冰咀雪相陪對紫芝幽  
圃香風裏碧酒傾不世信悠以有龍蟠虎遶沉  
醉蓬萊

天壽節

帝錫嘉祥正九五龍飛大業繁昌幹旋洪造  
整頓乾坤雷轟電掣成章向玉京金闕威音  
震膽裂遐荒勝陶唐應羣真交會四海平康  
寧論普天率土但蠢爾生民共賴胥臣蛸

翹端蝮葵藿傾心曷報惠澤恩光炷蘭薰瑞  
靄祈黃屋枝葉聯芳祝吾皇願龍圖永固聖  
壽無疆

其三

身世蝸蠻在一氣盈虛宛轉循環電光影裏

兄五

十二

石火星中生滅如許時間盡勞神膠擾名與  
利抵死相干自摧殘爲一團虛幻百種機關

睫在眼前不見但認假爲真倒大癡頑太

平難遇真道難逢識取舊日家山到無何鄉  
裏雲霞步玉蕊芝蘭會仙班慶長春天上來

滿人寰

其四

肥馬輕衫富貴裏功名心醉如酣枕中春夢  
誰信鵬程摩天巨翼圖南被目前虛幻空櫻  
擾枷鎖擎擔更何堪向蠅頭蝸角苦苦貪婪

他日眼開方省便聲利場中稅駕停轡著  
鞭方外打破疑團冷笑暮四朝三現本來一  
點凝然在秋月寒潭箇中叅聽金童謠唱玉  
女玄談

其五

枯木寒灰寄野野茅堂冷淡林隈地偏人靜  
月朗風清窻戶絕點塵埃有自然消息銀霞  
璨珠玉瓊瑰信悠哉看龍蟠金鼎鳳舞丹臺  
舉世利名心醉更誰仗鵬程密網衝開此  
言還信侗儻男兒休更撒手空迴認空生虛  
幻何成濟枉玷仙材早歸來赴蟠桃高會談  
笑蓬萊

雨中花

一點靈源澄湛照徹多生浩劫情塵有不夜  
壺天風物亘古仍存踞闔玉麟哮吼對床石



女談論海童微念寥天晴雪不下鷗羣  
蛸翹蠢蠕同入吹噓寒谷為我回春那更有越  
吟思舊楚些招魂儘恁銅盤蠟炬摩挲晚照  
餘曛神丹既濟玄珠好在默默昏昏

其二

林下山間人市處處天遊在在玄虛更不許  
絲毫增損具足無餘漆桶甘沉黠闇戲場自  
作塗糊枯骸隱几蒼天誰問枉用吹噓形  
名寓耳覩縷真容非鉛非汞非珠縱舉似百  
端拈弄妙處難模誰有輪扁手段成風去壘

功夫頭頭物物洪纖巨細色色如如

其三

二十年間曾記對語山陽森碧琅玕談笑裏  
蓬萊清淺陸漲波瀾驚喜靈根無恙雙明玉  
樹同看攬捨境裏漫漫長夜共話團欒 余  
生散漫江海虛舟一葉不揆循環俱老矣關  
河千里晤語良難自笑烟霞痼疾半生風月  
長閑別時好在雲根水骨相對怡顏

望海潮

春冰初泮長川洶湧桃花碧漲波瀾海若幸

臨馮夷自笑靈源退鷁來還塗抹興闌珊便  
截斷懸流撥轉機關回首人間底事膠擾蟻  
循環 遽遽世夢驚殘顧雲間岫愧月賁山  
顏芳草藉茵森松偃蓋峰巒聳碧欄杆天地  
許多寬方自在無拘心契金蘭寄語功成事  
遂佳處莫盟寒

兄五

十四

洞仙歌

百年光影綠鬢須臾改擾擾勞生是非海料  
存亡隱顯盈虛興廢事盡默聽玄中真宰甚  
狗苟蠅營為浮名薄利苦縈心萬般機械

閑中一著莫安生  
枝派平地瀛洲  
故人在運靈風  
掃蕩情塵須勘  
破生死牢關懸  
解便領畧玄珠  
用無窮得自在  
逍遙去來無礙

同前

千魔萬難苦海沉淪  
慣枷鎖渾身強牽  
挽認簷溜一點浮漚  
來又去識不破空華  
虛幻便酩酊朝昏  
又誰知在本有真靈  
萬塵羈絆

夢回酒醒子細開青  
眼閑裏光陰著心看  
髑體元不會東西還  
戲弄千古輪迴無限  
但省後收心便歸來  
莫只待西山日沉天  
晚

月中仙

浩浩靈源自先天恍惚難貌形狀殊非想像  
罷兎角龜毛頭頭分朗百般呈伎倆盡分外  
無風起浪截斷亡羊路山雲野水相與復相  
忘兄五神光照應無方示灰寒地文舒煙笑天壤  
低頭放杖便擊木無聲敲空作響不須求罔  
象得自在無拘縱放信手拈來用如音寶珠  
無盡藏

粉蝶兒

嚼蠟塵情誰知淡然無味販何樓一場兒戲

看成空渾不懂夢中身世謾橫陳使機關到  
頭何濟省後俱休尋箇久長之計便收心破  
除人偽遠樊籠捐俗物洞天嘉致結雲庵對  
西山萬峰凝翠

其二

薄利浮名抵死向前忙幹更光陰暗中催斷  
傀儡棚詳攬弄般成公案下場時盡虛都不  
堪重看風迎晨鍾驚覺夢中青眼覺從前  
盡成虛幻火坑中安穩地自由人揀早歸來  
莫愁待日沉天晚

其三

綠鬢朱顏那禁兩輪烏兔被恩枷愛繩纏住  
重如山深似海渾身擔負轉頭看只贏得一  
丘閑土 些子時光白乾自招憂苦早抽身  
快尋出路水雲鄉閑笑傲開懷行步有玄珠  
待歸來向伊分付

婆羅門引

一毫不立萬緣俱遣露真詮沖虛躡景冷然  
莫向他方物外別覓洞中天是韓獹逐塊陽  
焰爲泉亘初本源只這是更無玄默究端端

的的體用完全分分朗朗放一段光明不記  
年還會得心月團圓

其二

古今擾擾大都奔競利名場  
舟車僕馬如狂  
到底功勳事業分付夢黃梁  
甚剛求失鹿不

兄五

十六

見亡羊 且宜自防須著脚  
水雲鄉截斷從  
來去路步步清涼本然自得是千古圓明珠  
玉房真箇事誰肯承當

其三

洞天物外自然真境妙難傳  
羣真宴會留連



鶴舞龍吟鳳嘯飛霧走雲煙擁霓旌月節羽  
蓋芝輶醉中論玄噴珠玉泝流泉笑指蓬  
萊清淺幾度變桑田真容亘古縱劫火焚空  
無變遷誰解此紫府神仙

其四

此身有限利名無盡苦貪求人間事重何樓  
大抵百年光景贏得一荒丘似花稍是露水  
面浮漚省時便休須勘破此形囚千古迷  
繩割斷跳出洪流逍遙坦蕩煉一粒神丹物  
外遊功行滿平步瀛洲

侍香金童

天壤之間蕩蕩無拘束一二襟期資野服何  
處會心宜卜築萬壑松風一溪寒玉 炯茅  
堂澹炷温鑪香味馥聽雅奏雲和塵外曲列  
岫窻分真面目未到蓬瀛乃平生足

凡五

十七

傳言玉女

覲面相逢一顧眼中人識會心冥處遙山寸  
碧洞天雲影磊落翠晶蟠石芝英好在幾經  
秋色 淺淺蓬瀛談笑間滄海易採真携手  
共遊天地一人間盡恁電轉風翻塵物玉峯

高會莫通消息

望梅花

布袍

麤布寬袍製就開掩快不須網紐虛豁襟懷  
寵通腋下舒縮恣容雙肘別無有卧蓋行披  
更兼宜衆中袖手似恁全身領受又何妨  
顧前盼後雅稱芒鞋偏宜藜杖出入送迎霞  
友有開口問斤兩何如便分明向伊抖擻

納襖

不用衣衫楚楚隨緣化布帛絲縷選甚青黃

從交橫順下手裏頭聯補見功處百片千條  
緊穿連著身堅固 如意禦寒冒暑隨所在  
別無疑慮轉肘爬搔渾身輓圖一任不須回  
護没人覷自在縱橫敢承當箇中作主

驀山溪

平生懶散不識閑煩惱蝸舍但容身更誰問  
瑤臺瓊島比隣縱有三兩野人家忘取舍絕  
將迎門外何曾到 煙霞痼疾妙藥難除療  
只管放心閑未肯把靈源膠擾住行坐卧此  
外別無能真箇事樂逍遙便是前程了

其二

眨眉瞬目說盡重玄理黃葉止啼休莫只待  
鋒鋒相抵玉關人老歸去罷論兵閑日月太  
平年村釀家家是橫擔拄杖唱箇哩囉哩  
豈羨廟堂榮更管甚泥中曳尾錦鱗自在騰

兄五

十八

躍禹門高收網罟撤絲綸不用垂鈎餌

其三

從來習性塵冗知多少省後急消磨動靜裏  
專專計較閑非閑是不掛一絲頭牢閉口緊  
降心人我先除掃住行坐卧莫把心王惱

向上有機關更不許愚迷便曉積功累行慧  
眼忽然開芝草秀大丹成作箇仙無老

其四

蹉跎十載養就真無賴事事不縈心更絕盡  
凡情世態將迎冷淡度日且閑閑翻著襪到  
穿衣一任人憎愛 鑄就三尺龍泉快氣焰  
徹天庭又不見全牛可解踟躕四顧不敢等  
閑看隨身帶密封緘地久天長在

鵲橋仙

疑根未斷游魂不返多少閑情惹絆野雲溪

水自由身與利鎖名韉許揀 塵緣一判凡  
情盡遣却悔收心已晚 五雲深處醉蟠桃管  
不羨兒孫滿眼

其二

依山隱霧臨池影舞却被文皮自誤豫章楠

兄五

十九

梓有何辜受斤斧傷殘無數 惺惺不悟還  
同暮故身後虛名何處霎見光景認爲真盡  
忘了長生道路

其三

瓊分石碎珠離蚌壞文豹豐狐自害衆中誰

肯密藏身但鼓髻爭頭要賣 誇功即退成  
名即敗鏡裏朱顏不再到頭畢竟化爲塵在  
棄却玄珠寶貝

其四

玄珠無類真容無對不許纖塵遮蓋年深團  
練轉分明要天府收藏沒賽 全身輕快渾  
無機械法網塵情俱解有人登壠欲商量此  
不許人間販賣

其五

天真靈種華胥入夢趣取人間無用玄珠天



府密封藏誓不敢紅塵賣弄  
魔軍齊闕聲  
音迎送饒取威嚴尊重金毛披著上場來却  
忘了如山不動

其六

妻男鐵鎖家緣猛火煎迫猖狂怎麼蠅頭蝟  
角有多來便捨命爭人競我  
執迷不趨甘  
心籠裏黑謎猜他不破只須闔老帖來勾待  
不得兒孫長大

其七

曲釣魚鬧直釣無釣今古分明知道世情看

假盡成真總不識先天至寶 孤光圓照相  
忘同調物物俱休逆料本來一點上通天向  
姑射山中笑傲

其八

一團奸俏一團性氣動處欺天昧地傷他利

兄五

二十

已損生靈廣作業交誰代替 冥司斷制如  
何迴避不許強辭抵諱頭皮換却不如今受  
苦楚何時出離

其九

靈源春渚芝蘭藥圃發我歸心零舞玉堂金

室隱雲霞纔信及青霄有路 瑤臺瓊島珠  
林琪樹香靄神風引步幾迴海上看桃花千  
歲裏花開一度

其十

閻閻聽誑天真成妄俱喜攢頭裝相無名猛  
火步虛聲攏弄向顛顛休上 無多利養做  
些模樣呈盡平生伎倆到頭畢竟意如何不  
見了玄珠罔象

其十一 贈大方丈檀城

來時如覺去時如夢別我無情相送臨行囑

耐設多言但莫把人情戲弄  
真師宜奉仙  
場選中乘取彩鸞金鳳向蓬萊  
高會醉蟠桃  
也勝似人間打關

雲山集卷之五

九五

二十一



